

Vorrede.

Herren ältesten Bruders/ vnd ich regierenden Herzogs zu Württemberg etc. bestelter vnd verordneter Ingenieur alhie/ vnd fürtrefflicher Mathematicus, welcher durch dieses Büchlein/ vnd ersten Theil seiner Geometri, so nicht allein schon hiebevorn zum andern mahl von ihm in Truck verfertigt: sondern auch seithero widerumb von neuem vberschē/ gebessert vñ mit einem ziemlichen Anhang/ fürnehmlich aber einem ganzen hinzugesetztem Capittel vom vndergraben vnd versprengen der Bestungen/ gemehret worden/ seine Fürtrefflichkeit in solcher Kunst gnugsamb an Tag gegeben hat.

Dieweil dann nun/ Gnädiger Fürst vnd Herr/ gegenwertiges erstes Büchlein des *Authoris* bey vielen fürnemmen Leuthen/ sonderlich aber den Kriegsvorständigen selbst in sehr hohem Werth vnd Würde gehalten wirdt/ als in welchem er nicht allein von vorthenliger vnd künstlicher Aufrichtung vnd Erbauung: sondern zumahl auch so wol von Defendierung vnd Erhaltung/ als Belägerung vñ Anfallung der Bestungen/ auch sonst anderer notwendiger Kriegs Disciplin auß der Erfahrung ganz verständlich/ gründlich vnd außführlich tractiert: Hab ich/ als ein junger angehender Liebhaber der Französischen Sprache/ auß vieler fürnemmer trewherkziger Leuth embsiges begehren vnd anhalten/ vnserm lieben Vaterlandt Theutscher Nation zu gutem/ solches Büchlein meinem geringen verstandt: jedoch außs trewlichst vnd flehssigst immer möglich gewesen/ des *Authoris* Intent vnd Meinung nach/ vertheutschet vnd in Truck verfert